


Leksyon 6

ANG DIOS MAGADALA KANIMO
NGADTO SA LANGIT

Tun-i kini mahitungod sa Dios

Ang Dios nagdala kang Enoch ngadto sa langit nga wala moagi sa kamatayon.
 Ang Dios adunay kahibulongang puloy-anan alang kanimo sa langit.
 Lumakaw ka uban sa Dios. Siya magadala kanimo ngadto sa langit.



Basaha kini gikan sa Biblia
 Kusga pagbasa sa makalima nga balik

Si Enoch nagalakaw kauban sa Dios ug wala na siya makita, tungod kay ang Dios nagdala kaniya. Genesis 5:24. Akong . . . nakita ang usa ka pultahan nga binuksan didto sa langit. Ug ang tingog . . . nagaingon, "Umari ka." Pinadayag 4:1.

Mabuhat mo ba kini?

Pagbadlis ug tul-id ngadto sa mga pulong nga may kalabutan sa mga pulong sa wala sama niini:

- | | | | |
|------------|---|---|--|
| Ang Dios | ● | ● | mao ang kahibulongang puloy-anan sa Dios. |
| Si Enoch | ● | ● | buot nga ikaw magalakaw uban Kaniya. |
| Ang Langit | ● | ● | makahimo sa paglakaw kauban sa Dios ug makaadto sa langit. |
| Ikaw | ● | ● | miadto sa langit nga wala moagi sa kamatayon |

Mga Tubag

Ang Dios	●	●	mao ang kahibulongang puloy-anan sa Dios.
Si Enoch	●	●	buot nga ikaw magalakaw uban Kaniya.
Ang Langit	●	●	makahimo sa paglakaw kauban sa Dios ug makaadto sa langit.
Ikaw	●	●	miadto sa langit nga wala moagi sa kamatayon

Ang Dios nagdala kang Enoch ngadto sa langit nga wala moagi sa kamatayon.

Badlisi sa ubos ang tanang pulong gikan niining timaan ● ngadto sa ●

Si Adan may mga anak nga lalaki ug mga anak nga babaye.

Ug sila usab may daghang mga anak nga lalaki ug mga anak nga babaye.

Dihay daghan kaayong mga tawo, sa yuta.

● Ang Dios nahigugma sa tanang mga katawhan. ●

May tinguha ang Dios nga maglakaw ug makigsulti kanila.

May tinguha ang Dios sa pagdala kanila ngadto sa langit.



Apan daghang mga tawo nga wala mahigugma sa Dios.

Wala sila mag-ampo ug magpakigsulti kauban sa Dios.

Sila nahisama kang Cain.

Buot nilang tumanon ang ilang kaugalingong kabubut-on.

-Wala sila mosugot sa gisugo sa Dios kanila. Dili sila buot magalakaw kauban sa Dios.

● Ang ilang sala nakapahimulag kanila gikan sa Dios. ●



Apan si Enoch nahigugma sa Dios.

Si Enoch miduol sa Dios sama sa gibuhat ni Abel,
nga may dalang cordero aron mamatay alang
sa iyang mga sala.

Ang Dios nagpasaylo sa dautang mga binuhatan
ni Enoch.


Ang Dios nagkuha sa mga sala ni Enoch ug
naghimo kaniya nga matarung.



• Si Enoch nakigsulti sa Dios matag adlaw
sa diha nga siya nag-ampo.

• Si Enoch nagalakaw kauban sa Dios
matag adlaw sa
dihang gituman niya ang gisugo sa Dios
kaniya.

Sa dihang milakaw si Enoch kauban
sa Dios siya diha na sa dalan paingon
sa langit.



Ang Dios ug si Enoch naghinigugmaay ang
usa ug usa kanila.

Mitugot ang Dios nga si Enoch
motabang sa Iyang buhat.

Si Enoch nagtug-an sa iyang mga silingan
mahitungod sa Dios.

Gitudloan sa Dios si Enoch unsay iyang
isulti.

Si Enoch nanglimbasog sa pagkabig sa
ubang tawo sa paglakaw kauban sa Dios.

Kadaghanan kanila wala gayud mamati.
Sila mangil-ad gayud nga makasasala, sama
ni Cain.

• Ang mga tawo nga nagalakaw kauban
sa Dios makaadto sa langit kon sila
mangamatay.

Apan ang Dios nagdala kang Enoch
ngadto sa langit nga wala na moagi sa
kamatayon.

Iyang gidala si Enoch uban Kaniya didto
sa Iyang matahum, ug kahibulongang
puloy-anan.

Didto ang tanang butang hingpit.

Ug ang tagsatagsa ka tawo malipayon.



Ang Dios adunay kahibulongang puloy-anan alang kanimo sa langit.

Wala nay makadaut kanimo didto sa langit.

Mahingpit na ang imong kaugalingon didto ug sa kanunay nga malipayon.

Dili ka na masakit, bation sa kagutom, dili na bation sa katugnaw.

Ang tagsatagsa ka tawo dili na bation sa kakulang didto sa langit.

Makabaton ikaw ug daghang maayong mga kahigalaan sa langit.

• Labaw sa tanan, ikaw makigkauban na sa Dios nga maoy nahigugma kanimo ug may tinguha sa pagdala kanimo didto. •



Lumakaw ka kauban sa Dios.

Siya magadala kanimo sa Langit.

Ang Dios pagpadala sa Manluluwas aron sa pagkuha sa imong mga kasalanan.

• Ang Manluluwas mao ang Anak sa Dios—si Jesus. •

Dili ka makakita kang Jesus apan anaa Siya diha uban kanimo.

• Si Jesus mianhi aron sa pagtabang kanimo sa paglakaw uban sa Dios. •

Hangyoa Siya sa pagpasaylo sa imong mga sala.

Dawata si Jesus nga imong Manluluwas.

Pakigsulti sa Dios adlaw adlaw diha sa pag-ampo.

Buhata ang gisugo sa Dios kanimo pinaagi sa Biblia.

Mao kini ang paagi sa paglakaw kauban sa Dios.

Siya magadala kanimo ngadto sa kalangitan.

Ton-i kini nga pag-ampo

Ginoong Jesus, umanhi ka ug mahimo ikaw nga akong Manluluwas.

Intawon kuhaa na ang akong mga kasalanan

Aron nga ako makaadto gayud didto sa langit.

Tabangi ako sa paglakaw kauban sa Dios adlaw-adlaw. Amen!



Karon sulati ang imong Talaan sa Tinun alang sa Leksyon 6.

INTERNATIONAL CORRESPONDENCE INSTITUTE
PHILIPPINE NATIONAL OFFICE, P.O. BOX 1084, MANILA

ANG DIOS MAGADALA KANIMO SA LANGIT

KALINGAWAN NGA IMONG PAGABUHATON

Pangitaa ang husto nga dalan.

Unsa man ang imong pagabuhaton kon ikaw magalakaw kauban sa Dios? Sugod sa kinaubsan nga timaan nga nasulat ang "Pangayog pasaylo sa Dios sa imong mga kasalanan." Pag guhit ug badlis gikan sa maong timaan ngadto sa sunod nga timaan mahitungod sa tanang mga butang nga buot sa Dios nga imong pagabuhaton.



Toohi ang gisulti sa Dios

Isulti ang bakak

Maglagot

Mangawat

Isulti ang kamatuoran

Mag-ampo adlawadlaw

Motabang sa uban

Magtuman sa imong kaugalingong paagi

Buhaton ang gisulti sa Dios diha sa Biblia

Mahigugma sa Dios

Malimot sa Dios

Magdumot sa uban

Maghigugma sa uban

Magbasa sa Biblia

Manglimbong

Dawata si Jesus nga imong Manluluwas

Magkinabuhing dautan

Makig-away

Pangayo ug pasaylo sa Dios sa imong mga sala.



Ikaw

Kuhaa ang litrang C, X, ug Z.

Unya isulat ang pulong diha sa blanko.

KCITXZA NCAZKXCIGZSULCTI CSXAZ DXICOZS CKXOZN
.....

KXIXCTZA MXAGCAMZPZO XUZGC XMACGZBAZSA XSZCA
.....

XBCIBLCIZA XKZITCA NXAGCLAZKACW XKACUZBCAN CSXAX
.....

DXICOZS ZKCOZN NXAZGACBXUHCAZT CZSAC
.....

ICXYZANXG XZPCUZLCOXNZG
.....

Nabuhat mo na ba ang tanang gikinahanglan buhaton niini nga leksyon?

Mga Pangutana, mga panultihon, ug mga hangyo sa pag-ampo

Isulat dinhi bisan unsang mga pangutana? O mga panultihon mahitungod sa mga leksyon, o bisan unsa man nga buot mo nga iuban sa mga pag-ampo sa imong magtutudlo. Kon gikinahanglan ang dugang nga lugar, makahimo ikaw sa pag gamit ug laing papel.

.....

.....

Tan-awa ang mga pahina gikan sa imong Talaan sa Tinun-an alang sa mga leksyon 4, 5, 6. Ipadala kini sa among escuelaan sa ICI diha sa imong dapit.

Linawa sa pagsulat nga minuldi ang imong ngalan.

.....

Grado

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE
PHILIPPINE NATIONAL OFFICE—P.O. BOX 1084, MANILA